



30. januar 2018

Inatsisartut Suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqutit:

- 1. Naalackersuisut sunik suliniuteqassamaarpat innuttaasut akiitsui ikilisarniarlugit aamma Ilangaassivik pillugu inatsisissatut siunnersuummik saqqummiussinissaq sumut killippa?**
- 2. Ilangaassivik pillugit inatsisissatut siunnersuummik saqqummiussisoqassappat taava Naalackersuisut isumagissamaarpat Ilangaassiviup taamaallaat atornerqarnissaa innuttaasut pisortat akiitsullit pineqartillugit?**
- 3. Apeqqummut 9/2018-mut akissut naapertorlugu taava pisortanut akiitsullit pillugit suliat 317.250-iupput, taakku inunnuq qassinut agguarneqarpat?**
- 4. Naalackersuisut kisitsisit atorlugit skemamik saqqummiusseqquneqarput, inuit akiitsullit paasissutissat uku naapertorlugit agguarlugit: Ukiut, suaassuseq, najugaqarfik aamma inuttut isertitat.**

(Inatsisartunut ilaasortaq Randi Vestergaard Evaldsen, Demokraatit)

Tunnqavilersuut

Suliat amerlavallaaqaat pisortanut akiitsut akilinngitsuukkat pillugit. Tamanut uggornaqaaq aamma pingaaruteqarpoq Naalackersuisut sukkanerpaamik suliniutinik aallartitsinissaat akiitsut appartinneqarsinnaaqullugit. Tamatumunnga atatillugu pingaaruteqarpoq suliniutit aamma pinaveersaartitsisuunissaat akiitsut sulit amerlaneruleqqunagit aamma akiitsullit amerlaneruleqqunagit kiisalu akiitsunik akiliisitsiniartarnerup pitsanngorsarneqarnissaa.

Demokraatini peqataaffigerusunngilarput pisortat innuttaasut pisortanut akiitsoqanngitsut aningaasaataannik aqutsisunngornissaat. Tamanna inuttut kiffaanngissuseqarnissamut taamatullu inuit namminneerlutik aningaasaatiminnut oqartussaanerannut sakkortuumik akulerunnertut isigissavarput. Taamaattumik paaseqqissaartariaqarparput ajornartorsiut sumiittoq iluarsillugulu.

Taamaattumik Ilangaassivik periusertuunniit alla assigusoq innuttaasunut pisortanut akiitsulinnut taamaallaat atornerqarsinnaasariaqarpoq. Tassani suliniutit malunnaateqarluartut aallartinneqartariaqarput. Qaammammiik qaammammut akiitsut amerligaluttuinnartut isiginnaarpagut. Inuiaqatigiinni innuttaasut tamarmik akileeataasariaqalersinnaapput tamannalu tulluannigilaq innuttaasunut akiligassaminnik isumaginnereersimasunut.

Demokraatini isumaqarpugut sukkanerpaamik suliniutit minnerpaamik pingasut ataatsikkoortillugit aallartinneqartariaqartut:

1. Pisortat periarfissarititaasut suulluunniit atorlugit maannakkut akiitsunik akiliisitsiniassapput



2. Periutsumik pilersitsisoqartariaqarpq innuttaasut akiliisinnaassuseqanngitsut pisortanut akiitsoqalersinnaanerannut pinaveersaartitsisussamik.

3. Meeqqat atuarfianni nammineq aningaasaatinik aqutsinissaq ilinniartitsissutigineqalertariaqarpoq, innuttaasut mikinerminniik paasisimasaqaleqqullugit qanoq aningaasaatiminnik aqutsisarnissartik inersimasunngorunik pisortanut akiitsoqalernissartik pinngitsoortinniarlugu. Tamatuma saniatigut pisariaqarluinnaqqissaarpoq inersimasunut siunnersuisalernissaq pikkorissaasalernissarlu aamma taakku nammineq aningaasaatinik aqutsinissamut, pisortat aningaasaqarnerannut aamma taakku minnut ataqatigiinnerannut paasisimasaqarneruleqqullugit.

Apeqqutit akeqqakka ullut suliffiit nalignnaasut qulit iluanni.